



Glygge-Zyttig vo de  
JOKER WAGGIS

Usgoob 7 - im Jänner 2015


## Events

Gmainsam aastosse SYTTE 3



## Basler Fasnacht 2015

S'Programm stoot SYTTE 3



## Unter der Lupe

Der Stewi SYTTE 2



# Muttenzer Fasnacht 2015

## D'JOKER WAGGIS faare ganz gross uff!

Syt ainige Joor isch d'Muttenzer Fasnacht e fixe Termin worde im Kaländer vo de JOKER WAGGIS. In de erschte Joor zwar numme daagsiiber uff der Route und mit eme glaine Verpflässigsstand,

doch syt 2012 au mit Barbetriib die ganz Nacht duure mit eme Zält mit Partymuusig vor der Beggerei Bischoff. Uff d'Fasnacht 2015 geen miir jetz nomol e Schritt wyter ...



JOKER BAR am Muttenzer Schlusstraich 2014 - guet bsuecht bi aagnäme Temperature

Ändi Joor 2009 isch d'Ydee s'erscht Mol uffkoo, dass me doch am Samschtig nach der Basler Fasnacht au no z'Muttenz e weeneli Fasnacht mache kennt. Nachdäm in Basel der Keerus als wie mee an Bedytig verloore het, isch au s'Interässe derfir bi ainige vo de JOKER WAGGIS mee und mee gschrumpft. So het me sich also derzue entschlosse, mit de Binggis und eme Verpflässigsstand Muttenz unsicher z'mache.

Ai Joor speeter isch d'Froog nach em Basler Keerus scho praggtisch nimme uffkoo. D'Muttenzer Fasnacht mit de Binggis het erschtens Spass gmacht, und mit em Verpflässigsstand het me zwaitens no der aint oder ander Frangge in d'Glyggekasse griegt.

Zwai Wuche vor der Muttenzer Fasnacht 2012 het me s'Konzäpt vom Verpflässigsstand nomol iiberdänggt. Am Standort vor der Beggerei Bischoff het me daagsiiber meerhaitlig Ässe verkauft, nach em Umzug isch d'Nochfroog doo dernoeh allerdings gring. So het me sich entschlosse, nach em Umzug uff Barbetriib umzstelle. Zem das umzsetze, isch allerdings e Zält Vorussetzig gsi. Also het me sich sofort uff d'Suechi gmacht. Rasch isch bi "Em Basler syy Bier" e passends Bar-Zält uffindbar gsi. Und mit em zuesätzlige Pavillon vo der Familie Galli het me sogar no e Sitzegge kenne yyrichte.

Uff d'Muttenzer Fasnacht 2013 hii isch drum nomol inveschiert worde.

WYTER SYTTE 2



# Guetschhyn

Geege Abgoob vo däm Guetschhyn an unserer **JOKER BAR** an der Muttenger Fasnacht 2015 griegsch Du e Willkommens-Dringg nach Waal gratis!



Name: \_\_\_\_\_

## FORTSETZIG

Denn der Erfolg vo der JOKER BAR im 2012 het derzue bewooge, e aigenes Partyzält z'boorge. So sin d'JOKER WAGGIS an der Muttenger Fasnacht 2013 zem erschte Mol mit em eigene grosse Zält vor Oort gsi. Doch laider hän d'Temperature fir aimol nit so ganz mitmacht, denn bi wyt unter null Grad isch der Aasturm ainiges glainer gsi, wie erwartet.


Im vergangene Joor isch me nomol mit em gliiche Konzäpt ans Wärgg.



JOKER BINGGIS am Schlusstraich 2013

Bi dytlig aagnäämerer Witterig isch s'Partyzält au bis spoot in d'Nacht meerhailig guet bsuecht gsi. So macht's Spass!

Us däm Grund hän sich d'JOKER WAGGIS uff die kommendi Fasnacht fir e zentralere Standplatz entschiide. Neu wird also d'JOKER BAR uff em Dorfplatz iiri Door effne, dirägg nääbe der Biini. Aber nit numme der Standort wird neu syy, d'JOKER WAGGIS wärde nääbem tradizioonelle Schlusstraich neu au am Fürsunntig - in der Nacht vor em Moorgestraich - aawäasend syy. Und neu deerfe d'Binggis au mit em grosse Waage iiber d'Route vom Schlusstraich zie. Rächt grossi



JOKER BAR ab 2015 uff em Dorfplatz - d'Nummere 7

Veränderige warte also uff d'JOKER WAGGIS. Aber: Miir freue uns druff!

## Unter der Lupe: Der Stewi

In dääre Rubrigg wird allewyy! ai JOKER genauer voorgstellt. Diesmol näämme miir der Stewi unter d'Lupe.

### 72stunde: Wie alt bisch Du?

Stewi: Bi 33 Joor jung.

### 72stunde: Wo bisch Du dihim?

Stewi: Syt 18 Joor woon ich jetz scho in Muttenz, zur Zyt in der "Crèmeschnitte" dirägg nääbe der Coop-Tangstell. Die erschte fimf Joor ha ich in Fränggedorf gwoont, dernooh 10 Joor in Prattele.

### 72stunde: Was machsch brueflig?

Stewi: Ich ha Elektromechaniker bim Haefely z'Basel glernt. Jetz schaff ich bi der EBM und das au scho syt 13 Joor.

### 72stunde: Was machsch Du in Diiner Freizyt?

Stewi: Weeli Freizyt? Wenn ich emol iibrig Zyt ha, baschtle ich gärn am Waggiswaage. Oder an miine

RC-Modäll. Bi aber au immer wiider gärn mit Frinde unterwägs.

Ah jo, Fettele due ich au seer gärn, am liebschte Dier-Uffnaame ...

### 72stunde: Syt wenn bisch Du bi de JOKER WAGGIS?

Stewi: Nonig esoo lang, erscht syt em Auguscht 2013.

Fyy! mi aber wool, als wär ich scho ewig derby.

### 72stunde: Wie bisch Du zue de JOKER WAGGIS astoosse?

Stewi: Ich kenn jo der Fäb scho lang, und miir hän scho

friener e paar Mol Plän gschmiedet, zämme Fasnacht z'mache. Vor e paar Joor isch denn der Fäb zue de JOKER WAGGIS gstoosse. E paar Joor speeter hän sii wiider neu Mitglieder gsuecht. Doo het er mi aagfroogt, ob ich nit au Luscht hätt.

### 72stunde: Hesch Du e spezielli Funggzioon bi de JOKER WAGGIS?

Stewi: Als Neuling ha ich zerscht no

WYTER SYTTE 3



# Gmainsam aastosse ...



Ob Schlittelweekend oder Fasnacht, es git bi uns allewyl e Grund zem Aastosse!

Au rund um d'Fasnacht 2015 git's wiider die aint oder ander Meegligkait, zämme mit de JOKER WAGGIS aazstosse!

Loos goot's am 21. Hoornig 2015 mit unserer mittlerwyle scho tradizioonelle Waage-Yyweihiig. Ab 16:00 Uhr trifft me sich an der Gartestrooss in Birsfælde zem Apero und gmietligem Zämmesy.

Wyter goot's scho zwai Dääg speeter. An unserem Fasnachts-Apero am Wettstaiplatz ka me am 23. Hoornig 2015 ab 12:30 Uhr nomol mit uns aastosse.

Oder kumm doch aifach nach em Cortège nomol bim Wettstaiplatz verby. Nach unserer Waageleered nämme miir sicher no ain zämme!

## FORTSETZIG

kaini aigene Uffgoobe gha. Aber scho gli ha ich miini handwärggliche Fähigkaite kenne bim Waagebau mit yybringe ...

**72stunde: Weeles isch Dii bishär scheenschts Erlääbnis mit de JOKER WAGGIS qsi?**

Stewi: Doo git's vuy! Waagebau, unseri Aaläss ... aber z'oberscht nadyrlig mii erschti Fasnacht bi de JOKER WAGGIS. Die isch e Hit gsi!

**72stunde: Was sin Diini Wunsch fir d'Zuekunft bi de JOKER WAGGIS?**

Stewi: Das mir wyterhii so e tolli Glygge sin mit verschiidene Egge und Kante. Und dass miir no lang zämme kenne Fasnacht mache. Aber au, dass unseri neuu JOKER BAR in Muttenz e Erfolg wird ...

## Vorschau Basler Fasnacht 2015 - s'Programm vo de JOKER WAGGIS


Au in dääre Usgoob vom 72stunde git's wiider unsere perseenlige Fasnachts-Fierer. So hän all unseri

Familie, Frinde, Fans oder Passiv-Mitglieder au an der Fasnacht 2015 wiider d'Meegligkait, uns JOKER

WAGGIS live z'erlääbe. Miir freue uns iiber jeede Bsuech - egal wie, egal wo, egal wenn ...

### Fasnachts-Mäntig

**13:30 Uhr**  
Start am Wettstaiplatz (35)  
**14:30 Uhr**  
1. Pause am Claraplatz (7)  
**15:00 Uhr**  
Wyter goot s ...  
**16:00 Uhr**  
2. Pause in der Staine (81)  
**16:30 Uhr**  
Wyter goot s ...  
**17:00 Uhr**  
3. Pause bim Banggverain (67)  
**17:15 Uhr**  
Wyter goot s ...  
**17:45 Uhr**  
Waageleere am Wettstaiplatz (35)  
**18:30 Uhr**  
Waage versoorge  
**22:30 Uhr**  
d'JOKER WAGGIS uff der Gass



### Fasnachts-Zyschtig

**14:30 Uhr**  
Start am Barfi (Stadtcasino)  
**18:00 Uhr**  
Ustusch Binggis- / Bar-Wäägeli  
**19:15 Uhr**  
Nachtässe am Rümelinsplatz  
**21:00 Uhr**  
Birsig-Sinfonie bi der Draischibe  
**23:30 Uhr**  
d'JOKER WAGGIS uff der Gass

### Fasnachts-Mittwoch

**13:30 Uhr**  
Start am Wettstaiplatz (42)  
**14:15 Uhr**  
1. Pause bim Banggverain (62)  
**14:30 Uhr**  
Wyter goot s ...  
**15:00 Uhr**  
2. Pause in der Freye Strooss (72)  
**15:30 Uhr**  
Wyter goot s ...

**16:15 Uhr**  
3. Pause in der Utegass (4)  
**16:45 Uhr**  
Wyter goot s ...  
**17:30 Uhr**  
Waageleere am Wettstaiplatz (33)  
**18:30 Uhr**  
Waage versoorge  
**00:00 Uhr**  
d'JOKER WAGGIS uff der Gass  
**04:00 Uhr**  
d'JOKER WAGGIS am Ändstraich